

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA DOBOJ JUG
OPĆINSKI NAČELNIK
Broj:02-11-320-1/26
Dana,16.03.2026.godine

Na osnovu člana 4. Odluke o dodjeli novčane pomoći učenicima srednje škole u svrhu sufinansiranja dijela troškova prevoza za školsku 2025/26 godinu broj:01-02-252-20/26 od 10.03.2026.godine i člana 37. Statuta općine Doboj Jug („Službeni glasnik općine Doboj Jug“, broj: 03/08, 01/12 i 02/13) Općinski načelnik općine Doboj Jug objavljuje

JAVNI OGLAS
za podnošenje zahtjeva za dodjelu novčane pomoći učenicima srednje škole u svrhu sufinansiranja
dijela troškova prevoza za školsku 2025/2026.godinu

I

Predmet Javnog oglasa je odobravanje novčane pomoći učenicima srednje škole u svrhu sufinansiranja dijela troškova prevoza za školsku 2025/2026.godinu.

II

Sredstva za realizaciju ovog Javnog oglasa utvrđena su u budžetu Općine Doboj Jug za 2026.godinu, pozicija 614326/1, AUTOBUSKE KARTE UČENICI-SUBVENCIONIRANJE.

III

Pravo na novčanu pomoć učenicima srednje škole u svrhu sufinansiranja dijela troškova prevoza za školsku 2025/2026.godinu imaju učenici pod uslovom:

- da učenik i jedan od roditelja, usvojioca ili staraoca ima prijavljeno prebivalište na području općine Doboj Jug,
- da učenik ne prima novčanu pomoć za troškove prevoza po drugom osnovu.

IV

Općina će sufinansirati dio troškova prevoza za školsku 2025./2026.godinu na osnovu podnesenih zahtjeva isplatom jednakih novčanih pojedinačnih iznosa koje ne prelaze iznos od 250,00 KM u toku školske godine.

V

Zainteresovani kandidati uz zahtjev prilažu slijedeće dokaze:

- a) uvjerenje o prebivalištu za učenika i roditelja, usvojioca ili staraoca (PBA3 obrazac ne stariji od mjesec dana);
- b) ovjerena izjava o zajedničkom domaćinstvu;
- c) potvrda o upisu razreda škole;
- d) fotokopija mjesečne karte za mjesec u kojem je podnesena prijava za sufinansiranje dijela troškova prevoza;
- e) fotokopija povratne karte za mjesec u kojem je podnesena prijava za sufinansiranje dijela troškova prevoza za učenika koji koriste internatski smještaj na području BiH;
- f) uvjerenje od nadležne ustanove da je učenik korisnik internatskog smještaja u tekućoj školskoj godini;
- g) ovjerena izjava da ne prima novčanu pomoć za troškove prevoza po drugom osnovu
- h) potvrda banke sa brojem tekućeg računa podnosioca zahtjeva ili kopija broja tekućeg računa podnosioca zahtjeva.

VI

U skladu sa raspisanim Javnim oglasom Komisija imenovana od strane Općinskog načelnika općine Doboj Jug, na osnovu uvida u podnesene zahtjeve i priloženu dokumentaciju, sačiniti će prijedlog korisnika pomoći o čemu će zapisnički izvjestiti Općinskog načelnika.

Na osnovu prijedloga Komisije, Općinski načelnik donosi rješenje o odobravanju ili odbijanju zahtjeva za dodjelu novčane pomoći u svrhu sufinansiranja dijela troškova prevoza za školsku 2025/2026.godinu.

O žalbi na rješenje Općinskog načelnika rješava Drugostepena komisija za rješavanje po žalbama i prigovorima općine Doboj Jug.

VII

Javni oglas biti će objavljen na oglasnoj tabli Općine Doboj Jug, službenoj web stranici Općine Doboj Jug i oglasnim mjestima na području općine.

Obrazac zahtjeva za dodjelu novčane pomoći može se preuzeti na web stranici Općine Doboj Jug (www.dobojjug.ba) i na Info pultu Općine Doboj Jug.

VIII

Zahtjev za dodjelu novčane pomoći učenicima srednje škole u svrhu sufinansiranja dijela troškova prevoza za školsku 2025/2026.godinu sa potrebnom dokumentacijom, u skladu sa raspisanim Javnim oglasom, kandidati dostavljaju Općinskom načelniku putem protokola općine Doboj Jug.

Prijavom na javni oglas aplikanti-kandidati se slažu da se njihovi lični podaci mogu koristiti isključivo za potrebe javnog oglasa.

Javni oglas ostaje otvoren 15 dana od dana objavljivanja.

Nepotpuni, neblagovremeni i neuredni zahtjevi neće biti uzeti u razmatranje.

OPĆINSKI NAČELNIK
Mirnes Tukić